

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 495495 25 St
Tuzla, 04.05.2026. godine

Općinski sud u Tuzli, sudija Antonela Đaković kao stečajni sudija u stečajnom postupku nad dužnikom Slon-Elefant d.o.o. Tuzla, Dobrnja, Čanići broj 117, koje u svom sastavu ima poslovnu jedinicu pod nazivom Slon-Elefant d.o.o. Tuzla, PJ br. 1 Dobrnja, Čanići, broj 117, nakon provedenog prethodnog stečajnog postupka, dana 04.05.2026.godine donio je

R J E Š E N J E

OTVARA SE stečajni postupak nad imovinom dužnika Slon-Elefant d.o.o. Tuzla, Dobrnja, Čanići broj 117, koje u svom sastavu ima poslovnu jedinicu pod nazivom Slon-Elefant d.o.o. Tuzla, PJ br. 1 Dobrnja, Čanići, broj 117, ID: 4210471120005, MBS: 32-01-0203-21.

Za stečajnog upravnika imenuje se Nedret Kikanović iz Tuzle, ul. Aleja Alije Izetbegovića br. 25, Tuzla.

ZAKLJUČUJE SE stečajni postupak nad imovinom dužnika Slon-Elefant d.o.o. Tuzla, Dobrnja, Čanići broj 117, koje u svom sastavu ima poslovnu jedinicu pod nazivom Slon-Elefant d.o.o. Tuzla, PJ br. 1 Dobrnja, Čanići, broj 117, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Sl. novinama Federacije BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 495495 25 St od 04.05.2026.godine, pokrenut je prethodni postupak radi utvrđivanja uslova za otvaranje stečajnog postupka nad imovinom dužnika Slon-Elefant d.o.o. Tuzla, Dobrnja, Čanići broj 117, koje u svom sastavu ima poslovnu jedinicu pod nazivom Slon-Elefant d.o.o. Tuzla, PJ br. 1 Dobrnja, Čanići, broj 117, a privremenog stečajnog upravnika imenovan je Nedret Kikanović iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 08.04.2026.godine. Iz izvještaja privremenog stečajnog upravnika proizilazi da je djelatnost društva za koju je društvo bilo osnovano trgovina na malo metalnom robom, bojom i staklom u specijaliziranim prodavnicama, te da je društvo od osnivanja do danas imalo više promjena u svojoj registraciji. Sjedište društva je Tuzla, Dornja Čanići 117, a osnivač društva je Merdanović Melisa, Dornja Čanići 117, Tuzla. Društvo na dan 25.02.2026. godine nema zaposlenih lica. Na osnovu knjigovodstvenih evidencija utvrđeno je da društvo u 2021. godini i 2022. godini ima određene ostvarene dobitke, dok u 2023. godini ima gubitak od

23.462,00 KM. Nakon toga, društvo u 2024. godini nema nikakvih ostvarenih prihoda i do otvaranja prethodnog postupka ne obavlja svoju djelatnost. Uvidom u knjigovodstvenu dokumentaciju društva utvrđeno je da dužnik nema imovine, a što potvrđuje i dopis Službe za geodetske i imovinsko-pravne poslove, evidenciju i upravljanje imovinom u Tuzli br.07-27-1916/26-2 od 17.03.2026.godine gdje je utvrđeno da navedeno pravno lice nije upisano kao vlasnik odnosno suvlasnik nekretnina na području za koje ova Služba vodi evidencije. Uvidom u knjigovodstvenu dokumentaciju društva, kada su u pitanju obaveze društva, prema podacima koji su prikazani evidentno je da stečajni dužnik ima obaveze prema Poreznoj upravi Federacije Bosne i Hercegovine, Kantonalni porezni ured Tuzla, Porezna ispostava Tuzla (Broj:13-3/1-12-5-5219 od 23.03.2026.godine), u iznosu od 10.603,00 KM. Račun dužnika je blokiran već duži vremenski period.

Stečajni upravitelj je mišljenja da su ispunjene pretpostavke za otvaranje stečajnog postupka nad imovinom dužnika Slon-Elefant d.o.o. Tuzla, Dobrnja, Čanići broj 117, koje u svom sastavu ima poslovnu jedinicu pod nazivom Slon-Elefant d.o.o. Tuzla, PJ br. 1 Dobrnja, Čanići, broj 117.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 22.04.2026. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.500,00 KM na ime predujma radi otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj ____, dana ____ godine, na oglasnoj tabli suda dana ____ godine i na elektronskoj tabli suda.

Obzirom da u ostavljenom roku koji je propisan zakonom povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2. Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

**Stečajni sudija
Antonela Đaković**

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.